

KENTELIOÙ BREZHONEG

War ar Radio

Sizhun XXIX

SIZHUN XXIX
WAR HENT AN TI-BANK
KENTEL1
DIGERIÑ UR GONT VANK

Rener ar bank : an Ao. Arc'hantez (A)

Ar c'hliant : an Ao. Espern (E)

An Itr. Espern (I.E)

E - Penaos an diaoul e vez digoret an nor-mañ ? Kaer em eus sachañ, sachañ, ne zigor ket. Digor eo ar bank d'an eur-mañ koulskoude.

I.E - Genaoueg m' az out ! Ne welez ket ez eus skrivet eo ret bountañ evit digeriñ.

E - A ! Gwir eo. N'em boa ket gwelet, n'emañ ket ma lunedoù ganin.

A - Demat deoc'h. Petra a c'hellan ober evit ho servij ?

E - Deuet omp da welet hag-eñ e c'hallomp fiziout hon arc'hant e Bank Broadel Breizh ?

I.E - Ya, rak aon hon eus gant kement-se a arc'hant kuzhet en armel etre al liñselioù.

A - Furoc'h eo lakaat anezhañ er bank, gant tout al laeroñsioù a vez en deiz a hiziv. Lârit din hag-eñ eo ur gont-red ho peus c'hoant da zigeriñ pe ur gont-espenn ?

E - Gwelloc'h eo ur gont espenn, c'hwi ' oar n'omp ket deuet amañ da lakaat arc'hant da redek.

I.E - Gra peoc'h 'ta ! Gant ar vezh ! N'ouzez ket petra eo ur gont red. En em c'houlenn a ran hag-eñ e c'haller digeriñ an eil hag eben ?

A - Evel-just ' c'haller hag e-giz-se ho po tro da espenn ha da zispign war un dro gant ma vo pourvezet ho kont evel ma ouzit.

I.E - Lârit deomp neuze pegement e vo da douch bep bloaz war ar gont espenn-se

A - Pemp dre gant a interest ho po bep bloaz, met lârit din pelec'h emañ tout an arc'hant-se ganeoc'h ?

I.E - Amañ emañ, deuet eo ar voest ganin.

E - E-barzh ur voest vray emañ hon arc'hant ganeomp ; ur voest gwestell Kemper.

A - Amañ ne vo ket en ur voest ken brav met diwallet e vo gwelloc'h.

GERIAOUEG

boest*, ar v. -où <i>boîte</i>	bountañ bounlet <i>pousser</i>	broadel <i>national</i>
gwastell*, ar w. gwes- tell pe gwastilli <i>gâteau</i>	displign dispignet <i>dépenser</i>	an ell hag eben <i>l'une et l'autre</i>
mezh*, ar v. <i>honte</i>	espern espernet <i>épargner</i>	dre gant <i>pour cent</i>
	fizlout fiziet <i>confier</i>	
arc'hant, an a. <i>de l'argent</i>	pourvezañ pourvezet <i>approvisionner</i>	
genaoueg, ar g. leien <i>imbécile</i>	sachañ sachet <i>lirer</i>	
Interest, an l. -où <i>intérêt</i>	touch touchet <i>toucher (une somme)</i>	
kont-espern, ar c'h-e. -où-e. <i>compte épargne</i>		
kont-red, ar c'h.r -où-r. <i>compte-courant</i>		
liñsel, al l. -loù <i>drap</i>		

N'emañ ket ma lunedoù ganin.

Je n'ai pas mes lunettes.

Furoc'h eo lakaat anezhañ er bank.

Il est plus sage de le mettre à la banque.

Gant tout al laeroñsloù a vez en delz a hiziv.

Avec tous les vols qu'il y a aujourd'hui.

Gra peoc'h 'ta l Gant ar vevh.

Tais-toi donc ! Si ce n'est pas honteux !

Pemp dre gant a Interest ho po bep bloaz.

Vous aurez cinq pour cent d'intérêt.

SIZHUN XXIX
KENTEL 2
MONT D'AR BANK

A : Rener ar bank
E : ar c'hliant
T : tud all o c'hortoz

- A - Demat Ao. Espern, daoust ha kousket a rit gwelloc'h abaoe m'emañ ho arc'hant en li bank ?
- E - A ya evel-just, n'em eus ket aon rak al laer ken abaoe ma ouzon e vez diwallet mat ma arc'hant ganeoc'h. Ar pezh a zo eo dav din reiñ deoc'h ar chekennoù-mañ... Gouzout a rit ne rin mann ebet gant ar c'hozh tammoù paper-mañ.
- T - Penaos emañ kont ganeoc'h ? Amzer vrav ' zo hiziv, n'eo ket gwir ? Hemañ a chomo da gontañ e vuhez amañ bremañ. N'ouzon ket ha gwelet a ra ez eus tud all o c'hortoz ivez.
- A - Setu lakaet eo bet ar chekennoù war ho kont, daoust hag-eñ ho peus ezhomm un dra bennak all ?
- E - Ya, gouzout a rit mat n'hellan ket paeañ ma zamm butun gant ur chekenn. Dav eo din kaout ur gweneg bennak. Roit din pemp kant lur. Aesoc'h ' vefe din kaout pevar bilhed kant lur ha kant lur moneiz bihan.
- A - Setu unan, daou, tri, pevar bilhed kant lur hag evit ober ar gont daou bezh ugent lur ha c'hwec'h dek lur. Daoust ha mat e vo e-giz-se ?
- E - Ya met c'hoant am eus da c'houzout ivez pegement e chom war ma c'hont bremañ.
- T - Ne vo fin ebet gant hemañ kozh. Ne oar ket ez eus tud all o labourat ha n'o deus ket amzer da goll.
- A - 'm eus aon ne chom netra war ho kont.
- E - Koulskoude ne 'm eus ket dispignet kalz arc'hant peogwir ne 'm eus graet nemet chekennoù.

GERIAOUEG

chekenn*, ar ch. -où
chèque

billhed, ar b. -où
billet

gwenneg, ar g. -eien
sou

laer, al l. -on
voleur

monelz, ar m.
monnaie

paean paet
payer

mann ebet
rien du tout
koulskoude
cependant

Daoust ha kousket a rit gwelloc'h abaoe m'emañ hb arc'hant en ti bank.

Est-ce que vous dormez mieux depuis que votre argent est à la banque.

Penaos emañ kont ganeoc'h ?

Comment allez-vous ?

Daoust ha mat ' vo e-giz-se ?

Est-ce que ce sera bien comme cela ?

SIZHUN XXIX
KENTEL 3
OBER UN AMPREST

An Ao. Arc'hanteg (A) + rener ar bank (R)

An Ao. Espern (E)

An Itr. Espern(I.E)

A - Demat Itron hag Aotrou Espern. Abred emaoch ar mintin-mañ. Lârit din petra a vo graet evidoc'h ?

E - C'hoant hon eus da breñañ ur c'harr-tan nevez ; met an otoioù n'int ket evit netra an deiz a hiziv. Deuet omp da welet penaos amprestiñ un tamm arc'hant digant an ti bank ?

A - Gortozit, emeon o vont da welet hag-eñ eo gouest ar rener da zegemer ac'hanoc'h.

R - Demat. Deuit betek ma burev.

R - Azezit ! Gouzout a rit mat eo ret kargañ un toullad paperioù a-raok amprestiñ arc'hant. Pegement e kousto ho karr-tan nevez deoc'h ?

I.E - Unan brav hon eus gwelet, ur Jagwar pe un anv e-giz-se, met ar priz a zo brav ivez : 250 000 lur !

R - Pep-hini a bren ar pezh a blij dezhañ met dav e vo deoc'h diskouez din ho fichennoù gopr evidon da c'houzout hag-eñ oc'h gouest da amprestiñ kement-se a arc'hant.

E - Gouzout a rit mat : ma c'houlennomp arc'hant diganeoc'h eo peogwir ne c'hounezomp ket kalz.

R - Kompren a ran mat, met amprestiñ a zo un dra. Rentañ an arc'hant a vez ret ober ivez, hag evel ma ouzer a-benn resteurel kalz e vez ret gounit mat e vuhez.

I.E - Ma komprenan mat ne vez sikouret nemet ar re binvidik. Deomp kuit ac'hann. Gwelloc'h eo deomp mont da c'hoari al loto bep sul. E-giz-se eo c'hoazh hor bo ar muiañ ar chañs da gaout ur Jagwar ur wech bennak.

R - Lârit din 'ta ha ret eo deoc'h kaout ur Jagwar. Marteze e c'hellomp prestiñ deoc'h arc'hant a-walc'h da breñañ un oto vihart.

E - Ya, da breñañ bep a varc'h-houarn hag azo emañ tout !

GERIAOUEG

chekenn*, ar c. -où
chèque
lur, -ioù franc

diskouez diskouezet
montrer
kargañ karget remplir
koust koustel coûter
preñañ prenel acheter
resteurel restaolet rendre

abred tót
ac'hann d'ici

Deuet omp da welet penaos amprestlñ un tamm arc'hant dlgant an ti bank ?

Nous sommes venus voir comment emprunter de l'argent auprès de la banque ?

Pegement e kousto ho karr-tan nevez deoc'h ?

Combien vous coûtera votre voiture neuve ?

Ma c'houlennomp arc'hant dlgant eo peogwir ne c'hounezomp ket kalz.

Si on vous demande de l'argent c'est parce que nous ne gagnons pas beaucoup.

Lârit din 'ta ha ret eo deoc'h kaout ur Jaguar ?

Dites-moi donc, est-il nécessaire d'avoir une Jaguar ?

Ya, da breñañ bep a varc'h-houarn hag aze emañ tout !

Oui, acheter chacun un vélo et c'est tout !

SIZHUN XXIX
KENTEL 4
MONT DA CHEÑCH ARC'HANT

Ao. Arc'hanteg (A)

Ao. Espern (E)

A - Penaos emañ ar bed ganeoc'h Ao. Espern ?

E - 'mañ ket fall ! Hag o soñj mont da bourmen a-benn disul emañ. Mont a rin da Speied da Ouel ar Brezhoneg ha gouzout a rit am eus ezhomm da cheñch arc'hant.

A - Petra 'ta gouzout a ouzon n'emañ ket Speied en ur vro all ha n'ho peus ket ezhomm da cheñch ho arc'hant evit mont di.

E - Koulskoude e oan bet eno warlene, devezh gouel ar Brezhoneg ivez hag e oa bet goulennet diganin hag-eñ e oa arc'hant ar vro ganin ? N'emañ ket o kontañ bidennoù deoc'h !

A - Ne lâran ket se met, tikidi evit ar gouel e oa marleze.

E - N'eo ket, bilhedoù gwir skrivet Brezhoneg warno ! Lâret e oa bet din paeañ ma banne bier gant lurioù Breizh. N'em eus ket c'hoant da chom gant ar sec'hed ar bloaz-mañ. Lârit din 'ta hag-eñ ez eus arc'hant Breizh ganeoc'h pe n'eus ket ?

A - N'ouzon ket pelec'h ho peus klevet an dra-se, da n'eus forzh peseurt ti bank ez eoc'h neblec'h ne vo roet lurioù Breizh deoc'h.

E - Ne fell ket deoc'h reiñ lurioù din met re laouen oc'h koulskoude da gemer ma re pa zegasan chekennoù brezhonek deoc'h.

E - Kargañ chekennoù a zo un dra a c'heller ober e Galleg pe e Brezhoneg, met bilhedoù brezhonek n'eus ket diuto.

E - Ha pelec'h e soñj deoc'h 'm eus bet ar bilhedoù-mañ ?

A - Gouzout a rit eo faos ar bilhedoù-mañ.

E - Faos, faos, ne oa ket faos memestra ar banneoù bier am boa paeet ganto Speied warlene. Ha faos e oa ivez sac'h biniou an archerien o doa paket ac'hanon war hent ar gêr goude-se ?

GERIAOUEG

bidennoù, ar b. <i>sornettes</i>	cheñch cheñchet <i>changer</i>	brezhonek (adj. qual.) <i>breton</i>
gouel, ar g. -ioù <i>lête</i>	degas degaset <i>apporter</i>	faos <i>faux</i>
sec'hed, ar s. <i>la soif</i>	mont di ael di <i>aller vers cet endroit,</i>	laouen <i>joyeux content</i>
tiked, an t. -où -idi <i>ticket</i>	<i>jusque là</i> pourmen pourmenet <i>(se) promener</i>	warlene <i>l'année dernière</i>

Penaos emañ ar bed ganeoc'h, Ao. espern ?

Comment allez-vous Mr Espern ?

Petra 'ta, gouzout a ouzon n'emañ ket Speled en ur vro all.

Quoi donc, je sais bien que Spézet n'est pas dans un autre pays.

Lârlit din 'ta hag-eñ ez eus arc'hant Breizh ganeoc'h pe n'eus ket ?

Dites-moi si vous avez de l'argent de Bretagne ou pas ?

Ha pelec'h e soñj deoc'h 'm eus bet ar bilhedoù-mañ ?

Et où croyez-vous que j'ai eu ces billets-ci ?

KENTEL 5
AN HOLD-UP

Al laer = I

An Aotrou Arc'hanteg = A

Klianted = K

A - Demat Ao. Daoust hag-eñ oc'h deuet da lakaat arc'hant war ho kont pe da dennañ ur gwenneg bennak ?

L - Ur gwenneg bennak ? Tout ar pezh a zo ganeoc'h er c'hef a fell din kaout ha diouzhtu.

A - Met, gouzout a rit, ma tennit kement-se a arc'hant en un taol ho po un toull bras e-barzh ho kont.

L - N'ouzon ket hag-eñ e komprenit mat ar pezh a c'hoarvez emañ. Ma ne roit ket tout an arc'hant din eo c'hwi ho po un toull un tu bennak.

A - Un toull un tu bennak ! C'ha, a, a; 'Peus ket un toull un tu bennak c'hwi ? C'ha, a, a...

L - Diwallit, n'on ket deuet emañ da c'hoarzhin-me. Ur bistolenn a zo ganin en ma godell. Da laerezh on deuet emañ. Grit buan evit lakaat an arc'hant er sac'h-mañ.

K - Hemañ n' eus kalz a bres warnañ 'm eus aon.

K - Nann 'vat. Bez 'eus lod o devez plijadur o ruzañ atav.

L - Ha c'hwi tadoù chomit sioul ! Ha gourvezit war al leur ! An hini kentañ a fiñvo a vo tennet warnañ kerkent. Sklaer a-walc'h eo an traoù bremañ ?

- Ur vaouez - Chê ! Ur "hold-up" e-giz war an tele !

- Ur vaouez kozh - Ur c'holl petra ? Soazig ? Ur c'holl petra ?

L - Peoc'h ! An arc'hant diouzhtu !

A - Ya, ya. Emaon o vont da reiñ an arc'hant deoc'h.

L - Hag e soñj deoc'h ez in d'ar gêr gant un neboud gwonneien-toull e-giz-se ? Haslit buan da vont d'ar c'houlr da gerc'hat ar bilhedoù bras pe e vo graet e stal da unan eus ho klianted.

A - Douit ganin betek ar gambr-houarn neuze. Eno emañ ar bilhedoù bras. It.

L - Emaon o tont.

A - It e-barzh ha kargit ho sac'h hoc'h-unan.

L - Digorit din diouzhtu, klovet a rit ?

A - Alo ? Ar polis ? Amañ Ti Bank ar Vro e Kemper. Paket hon eus ul laer en trap.

GERIAOUEG

kambr-houarn*, ar g. -h. -eier-h. <i>chambre forte</i>	c'hoarzhln c'hoarzhel <i>rire</i>	kerkent <i>aussitôt</i>
godell*, ar c'h. -où <i>poche</i>	gourvez gourvezet <i>(s')allonger</i>	
plstolenn*, ar b. -où <i>pistolet</i>	fiñval fiñvet <i>bouger</i>	
gwenneg-toull, ar g.-l. <i>menue monnaie,</i> <i>ferraille</i>	It imp. mont <i>allez</i>	
kef, ar c'h. -où <i>caisse</i>	kerc'hat kerc'hel <i>quérir - aller chercher</i>	
klant, ar c'h. -ed <i>client</i>	ober e stal da <i>faire son affaire,</i>	
koufr, ar c'h. -où <i>coffre</i>	graet e stal <i>régler son compte</i>	
	ruzañ ruzet <i>trainer</i>	
	tennañ tennel <i>lirer</i>	

Daoust hag-eñ oc'h deuet da lakaat arc'hant war ho kont pe da dennañ ur gwenneg bennak ?

Etes-vous venu mettre de l'argent sur votre compte ou retirer un peu de sou ?

N'ouzon ket hag-eñ e komprenit mat ar pezh a c'hoarvez amañ.

Je ne sais pas si vous comprenez bien ce qui se passe ici.

Hemañ a vez kalz a bres warnañ 'm eus aon.

Je crains que celui-ci soit très pressé.

Chê l Ur hold-up e-glz war an tele.

Jésus l Un hold-up comme à la télé.

Hag e soñj deoc'h ez ln d'ar gêr gant un nebeud gwennelen-toull e-glz-se ?

Et vous croyez que j'irai à la maison avec un peu de ferraille comme cela ?

It e-barzh ha kargit ho sac'h hoc'h-unan.

Entrez-y et chargez votre sac vous-même.

Digorit din dlouzhtu, klevet a rit.

Ouvrez-moi immédiatement, vous entendez.

Paket hon eus ul laer en trap. Nous avons pris un voleur au piège.

KENTEL 1, 2, 3, 4, 5

YEZHADUR / GRAMMAIRE

1 - AR VERB AMREIZH GOUZOUT / LE VERBE SEMI-IRREGULIER SAVOIR

evel ma ouzit	<i>comme vous le savez</i>
n'ouzez ket	<i>vous ne savez pas</i>
gouzout a rit	<i>vous savez</i>
gouzout a ouzon	<i>je sais</i>
ne oar ket	<i>il ne sait pas</i>

A - La conjugaison du verbe GOUZOUT avec l'auxiliaire OBER n'est pas irrégulière. On retrouve donc la même construction que celle étudiée dans le cas général des verbes.

PRESENT DE L'INDICATIF	
gouzout a ran	<i>je sais</i>
gouzout a rez	<i>tu sais</i>
gouzout a ra	<i>il, elle sait</i>
gouzout a reomp	<i>nous savons</i>
gouzout a rit	<i>vous savez</i>
gouzout a reont	<i>ils, elles savent</i>
gouzout a reer	<i>on sait</i>

IMPARFAIT	
gouzout a raen	<i>je savais</i>
gouzout a raes	<i>tu savais</i>
gouzout a rae	<i>il, elle savait</i>
gouzout a raemp	<i>nous savions</i>
gouzout a raec'h	<i>vous saviez</i>
gouzout a raent	<i>ils, elles savaient</i>
gouzout a reer	<i>on savait</i>

FUTUR SIMPLE	
gouzout a rin	<i>je saurai</i>
gouzout a ri	<i>tu sauras</i>
gouzout a raio	<i>il, elle saura</i>
gouzout a ralmp	<i>nous saurons</i>
gouzout a reoc'h	<i>vous saurez</i>
gouzout a raint	<i>ils, elles sauront</i>
gouzout a reor	<i>on saura</i>

PASSE SIMPLE	
gouzout a ris	<i>je sus</i>
gouzout a rejout	<i>tu sus</i>
gouzout a reas	<i>il, elle sut</i>
gouzout a rejomp	<i>nous sûmes</i>
gouzout a rejoc'h	<i>vous sûtes</i>
gouzout a rejont	<i>ils, elles surent</i>
gouzout a rejod	<i>on sut</i>

B - Les bases verbales qui servent à construire les deux autres types de conjugaison (synthétique et basique) sont :

- GOUZ au présent (sauf à la troisième personne du singulier : GOAR.)

-et GOUI aux autres temps.

Les particules verbales A et E provoquent la mutation de GOUZ / GOUI et de GOAR en :

OUZ-, OUI- et OAR.

Conjugaison synthétique au présent de l'indicatif.

lenn a ouzon	<i>je sais lire</i>
lenn a ouzez	<i>tu sais lire</i>
lenn a oar	<i>il, elle sait lire</i>
lenn a ouzomp	<i>nous savons lire</i>
lenn a ouzit	<i>vous savez lire</i>
lenn a ouzont	<i>ils, elles savent lire</i>
lenn a ouzer	<i>on sait lire</i>

Autres temps de l'indicatif

IMPARFAIT	FUTUR SIMPLE	PASSE SIMPLE
lenn a ouien	lenn a ouezin	lenn a ouezis
lenn a oules	lenn a ouezi	lenn a ouezjout
lenn a oule	lenn a ouezo	lenn a ouezas
lenn a oulemp	lenn a ouezomp	lenn a ouezjomp
lenn a ouiec'h	lenn a ouezit	lenn a ouezjoc'h
lenn a ouient	lenn a ouezint	lenn a ouezjont
lenn a ouled	lenn a ouezor	lenn a ouezjod

Conjugaison basique

	PRESENT	IMPARFAIT	FUTUR SIMPLE	PASSE SIMPLE
me	a oar lenn	a oule lenn	a ouezo lenn	a oulas lenn
te	a oar lenn	a ouie lenn	a ouezo lenn	a ouias lenn
efi	a oar lenn	a ouie lenn	a ouezo lenn	a oulas lenn
hi	a oar lenn	a oule lenn	a ouezo lenn	a oulas lenn
ni	a oar lenn	a ouie lenn	a ouezo lenn	a ouias lenn
c'hwi	a oar lenn	a ouie lenn	a ouezo lenn	a oulas lenn
int	a oar lenn	a ouie lenn	a ouezo lenn	a ouias lenn

Dialectalement, les irrégularités du verbe GOUZOUT tendent à se réduire par l'adoption d'une base verbale unique à tous les temps : OUEZ, OUI ou OAR.

Ex au présent

LECN	VANNETAIS	TREGOR
lenn a ouezan	lenn ouian	lenn a oaran
lenn a ouezez	lenn a oulez	lenn a oarez
lenn a oar	lenn a oul / oar	lenn a oar
lenn a ouezomp	lenn a oulomp	lenn a oaromp
lenn a ouezit	lenn a oullit	lenn a oarlit
lenn a ouezont	lenn a oulont	lenn a oarout
lenn a ouezer	lenn a ouler	lenn a oarer

C - GOUZOUT est le seul verbe à posséder une conjugaison avec auxiliaire où il joue lui-même le rôle d'auxiliaire.

gouzout a ouzon	<i>je sais</i>
gouzout a ouezez	<i>tu sais</i>
gouzout a oar	<i>il, elle sait</i>
gouzout a ouzomp	<i>nous savons</i>
gouzout a ouzit	<i>vous savez</i>
gouzout a ouzont	<i>ils, elles savent</i>
gouzout a ouzer	<i>on sait</i>

Si l'on compare GOUZOUT A OUZON à GOUZOUT A RAN, GOUZOUT A OUZON est une forme d'insistance plus forte que GOUZOUT A RAN.

D - A la forme négative, comme les autres verbes, seule la forme synthétique est employée.

Ex N'ouzon ket lenn. *je ne sais pas lire.*
Ne oar ket lenn. *Il, elle ne sait pas lire.*

E - Le participe passé du verbe GOUZOUT est GOUZET

Ex Gouezet 'm eus ho poa savet un ti nevez.
J'ai su que vous aviez construit une maison neuve.

2 - AN ISLAVARENNOÙ GOULENN / LES PROPOSITIONS INTERROGATIVES

La proposition subordonnée interrogative est une interrogation indirecte. Son existence est liée à la présence dans la proposition principale d'un verbe du type

gouzout	<i>savoir</i>
lavaret	<i>dire</i>
goulenn	<i>demander</i>
en em c'houlenn	<i>se demander</i>
gwelet	<i>voir</i>
klevet	<i>entendre</i>

La proposition peut être introduite par un interrogatif : piv (*qui*), penaos (*comment*), pegement (*combien*), petra (*quoi*), pelec'h (*où*)...

Ex Lârit deomp pegement e vo da douch...
Dites nous combien nous toucherons...

Lârit din petra a vo graet evidoc'h.
Dites-moi ce qu'il y a à faire pour vous.

Si la proposition n'est pas introduite par un interrogatif elle sera subordonnée à la principale par les conjonctions HA (HAG) ou HAG-EÑ.

Ex Deuet omp da welet hag-eñ e c'hellomp fiziout hon arc'hant e Bank Broadel Breizh.
Nous sommes venus voir si nous pouvions confier notre argent à la Banque Nationale de Bretagne.

En em c'houlenn ar ran hag-eñ e c'haller digeriñ an eil hag eben.
Nous nous demandons si l'on peut ouvrir l'un et l'autre.

N'ouzon ket ha gwelet a ra ez eus tud all o c'hortoz ivez.
Je ne sais pas s'il voit qu'il y a d'autres personnes qui attendent également.

On utilise la conjonction HA (HAG) à la place de HAG-EÑ lorsque la réponse à la question est sous-entendue (comme à l'avance).